



Sokol Kraist ke pacl in Christmas

Sel Prestuhn Dieter F. Uchtdorf

Mwet in Kahsruh Ahkluo ke Prestuhnsi Se Met

Nuh sesr kwewa ma ke in kahlwem kac lah suc kuht uh ke kuht ekihn mempucr ke Alu luhn Jisus Kraist luhn Mwet Luhlahlfongi ke Lwen-sahflah, nga ke sramtweack sramsram luhk uh ke kalmacn kaks tolu inge: Kuht suk Kraist.

Kuht suk in lutlut Kacl. Kuht suk in fahsr Tohkohl. Kuht suk in eklac oacna El.

Lwen nuh kwewa ke lusen yac se, kuht Sokol. Tuhsruhk yohkna ke sie kain in pacl ke yac se pa Christmas, ke pacl kuht ahkfuhlwactye isuslac luhn Mwet Lahngo sacohk lasr yohkyohkwelikh eklac luhn insiyacsr nuh Sel.

Ipin ahkolah lasr nuh ke ahkfuhlwactyeyacn Christmas, kuht enenuh in nuhnkuh ke ohiyacn mouh luhn mwet suc mouh ke yac tausin luo somlah ah ke elos tuh ahkolah insiyaclos in eis tuhkuh luhn Mwet Lahngo.

Mwet Liyacacng Un Sip

Srihklac etuh lasr ke mwet liyacacng un sip, ma se na kuht etuh pa elos “muhta ke in imac, ac liyacacng un sip nahtuhlos ke fong.” Mwet liyacacng un sip inge elos oacpacna mwet sahyac, mwet wowo suc ma oruh mouh in kasrpaolos ke pengana lwen.

Elos kuh in luhmweyuck nuh ke mwet ma, tuh sie pacl in mouh lalos, sahp tiac oaru in sokol Kraist, tuhsruhk insiyaclos eklac ke inkuhsrao ikacklah ac fwackyang pweng se nuh selos kacl Kraist.

Ac pa inge elos, suc tukun elos porongo puhsren mwet us pweng wo inkuhsrao me, in pacl sacna elos som nuh Bethlehem ke elos ke liye ma suc sikyak.

Mwet Lahlmwetmwet

Mwet Lahlmwetmwet pa mwet pihsrlac suc ma lutlut ke tuhkuh luhn Messiah, Wen nuhtin God. Ke lutlut lalos, elos akihlen akucl ma ahkkahlwemye isuslac Lal. Ke elos akihlwacnwack ma inge, elos sislah lohm selos ac fuhfahsryucsr nuh Jerusalem, siyuck ohinge, “Pia tulik fusr se ma isusla tuh in Tokosra luhn mwet Jew uh?”

Mwe etwacack lalos kacl Kraist tiac mwe na lahlmwetmwet muhkwen. Ke na elos liye mwe akucl nuh ke isuslac Lal, elos mukwilac na in pacl sac. Elos sramtweack fuhfahsryucsr lalos in suk Kraist.

Mwet Lahlmwetmwet inge elos luhmweyuck nuh ke elos suc ma suk Kraist ke lutlut ac sukyacn lahlmwetmwet. Moniyuck lalos nuh ke ma pwacye kakhahsrihk na kohlohloslac in sokolwack Kraist ac alu nuh Sel oacna ke El ekihn Tohkohsrah luhn tohkohsrah, Mwet Lahngo luhn facluh.

Simeon ac Anna

Simeon ac Anna elos kuh in luhmweyuck nuh ke mwet ma suk Kraist ke Nguhn. Mwet na oa inge elos arulacna pwacye ke alu lalos ac, ke lalo ac pruhe ac ke mouhkihn mouh in moniyuck ac ahkostwen, elos muhtwacnglah in tuhpan ke lwen in tuhkuh luhn Wen nuhtin God.

Ke suwohs, puhsisacl, ac luhlahlfongi, elos mongfihsrwacsr tuhpan tuhkuh luhn Mwet Lahngo.

Ke sahflahiyac ah, suwohs lalos ahkinsewowoyeyuck ke Mary ac Joseph kohlwacng nuh selos sie ahwowo suc ac ma sie lwen eis nuh Facl

Sifacna ke ma koluk luhn facluh.

Mwet Luhlahlfongi inmahsrion Mwet Nephi ac Mwet Lamanite

Sie Sramsram na emtucng ke mwet luhlahlfongi ke Facl Sasuc sruhmuhn ke elos tuhpan ke akucl ke isuslac luhn Mwet Lahngo suc ma konweyuckyak ke Puk luhn Mormon.

Kom esam lah elos suc oasr luhlahlfongi la in Kraist ahkkohsyeyuck ac kalyeyiuck. Mwet suhmaht ke ma luhn facluh ke pacl sac elos ahkkolukye mwet luhlahlfongi muh elos tahfwelah in tahpuhk ma tiac pwacye. Pwacyeyiac ah, mwet suhlahlfongi inge arlac uklaclac puhsrwaclos ahkkohs lalos pwacnwacng sie “elyah na luhlahp” in sikyak fin acn sac (3 Nephi 1:7). Elos pihlesruh elos suc luhlahlfongi muh Mwet Lahngo El ac isuslac.

Kasrkuhsrak ac ahngyahng lalos yohkwelikh pwacnwacng elos nuhnkwaclah in onwelah elos nuh kwewa suc luhlahlfongi ke Mwet Lahngo. Puk luhn Mormon ahkkahlwemye ke ma upac se suc utiyucklac inge.

Mwet luhlahlfongi inge elos luhmweyuck nuh selos suc moull in pacl inge suc ma suk Kraist finne mwet sahyac isrucn, ahkkasrkuhsrak kuh ahkkolukyaclos. Elos suk Kraist finne mwet sahyac elos suk in ahkkolukyaclos muh elos oacna mwet tiac etuh ma, mwet tiac elang ke kuhtwena ma, kuh mwet

lahlfon.

Tuhsruhk ahkkohs luhn mwet tiac ahkmuhnahsyelah mwet luhlahlfongi suwohs inge in tui tilac suk Kraist.

Kuht Suk Kraist

Ke lusen yac se, ac sahp yohkna ke pacl in Christmas, ac ma ac wo nuh sesr in sifilpac siyuck sesr sifacna “Kuh nga suk Kraist fuhkah?”

Ke sie pacl upac in moull lal, Tohkohsrah David el sihmihs, “O God, kom God luk, Ac nga kena apkuran nu sum. Nga suk kom ke insiuk nufon: Ngunik malukin kom oana sie acn paola ac pulamlamla ke sripen wangin kof we.”

Sahp puhla se inge in suk God pa sie srihpac oruh tuh ahkuhtweyucki David muh el sie mwet suc ma suk God ke insiyacel nohfohn.

Ke puhlan pacl in Christmas se inge ac ke lusen yac na fohn se inge, lwelah kuht in suk Mwet Lahngo sacohk lasr ke insiyacsr ac nguhnasr, Fihsrack lun Mihslac, God Muhtahl lun Israel. Ke srihpene kena se inge, lihksreni, na tiac fahkuhtyak muhkwenah lah suc kuht uh ke kuht ekihn mempucr ke Alu luhn Jisus Kraist luhn Mwet Luhlahlfongi ke Lwen-sahflah tuhsruhk som fahkuhtyak yohk lah suc na pwacye kuht uh ke kuht ekihn mwet tuhma lutlut luhn Kraist.

Kena in Akacsruhi ke Ma Toasr luhn Kais Sie



Luhlahlfongi
Sucu Kahsruh

Pruhe in lutlutkihn kuhfa se inge ac suk kolyuck in etuh ma in akacsruhi kac. Kahlwem ke srihpac luhn Rilif Sosaiti ac ahkoelah fuhkah tuhlihk muhtwacn nuhtin God nuh ke mwe insewowo ke moull ma pahtpaht uh?

“Kuht rauniyucklac ke mwet ma enenuh lohacng lasr, ahkkweye lasr, taptap lasr, ahkwo lasr, kuhlwaacng lasr,” Prestuhn Thomas S. Monson el fahk. “Kuht pa pahol Leum inge fin facluh, ke masap in kuhlwaacsuhpuh ac tahpuhk tuhlihk Nahtuhl. El epacl nuh sesr kais sie.”

Prestuhn Henry B. Eyring, Mwet Kahsruh se met ke Prestuhnsi se Met, el fahk: “Eklac na yohk se muhtwacwacack in sikyak insiyom ke kom ilyak nuh ke Lohm Alu uh. Kom oraclah sie olwelah, ac kom eis sie olwelah ma muhtwacwacack in ekuhllah moull in mwet lom...”

“... Kom olwelah lah kom ac kahsruh Leum oruh mwe srenenuh luhn [mwet sahyac] in muhlahlahi ac in ahkwoyeyuck elos. Utuckot kuh nuh sum kom in kuh in kahsruh ahkmuhlahlahye mwe toasr inge ke kom eis mwe sang luhn Nguhn Muhtahl.”

“Kuht ke orekmakihn kahlwem luhn wosacuc in liye mwet sahyac oacna ke Mwet Lahngo El liye ke pahkomuhta, finsrak, ac luhngse,” Jean B. Bingham, Prestuhn Luhlahp luhn Rilif Sosaiti el fahk. “Lwen sac ac fah tuhkuh ke ac fah fohnlah kahlwem lasr ke nuhnak loal ac puhla luhn mwet sahyac ac fah srui lah oasr pahkomuhta tuhtahfme nuh sesr oacna ke kuht tahfwelah nuhnak ac kahs in luhngse nuh sin mwet sahyac...”

“Ma kunacsr ac pacl wowo lasr in eis nahweyuck ke mwet nuh kwewa ke moniyuck in eklac oacna Mwet Lahngo lasr.”

Ke kuht akacsruhi ke mwe toasr luhn kais sie ac liyacaacng olwelah lasr, kuht ikacslah inkacnek nuh sel Jisus Kraist Elan kuh in unwelah mwet sahyac. Elder Jeffrey R. Holland ke U luhn Mwet Sap Singucul Luo el luti: “Nuhnkuh ke loaliyacn molo ke Misac fin sahkseng ac Iwacalah lal, nga olwelah nuh sum muh El ac fah tiac lihkihsaci kuht ke pacl se inge. Ke El tuh fahk nuh selos suc suhkahsruh in nguhn, ‘Fahsru nu yuruk,’ kalmac pa El etuh lah piyac inkacnek in illac ac inkacnek in ilyak nuh lucng. El etuh mweyen El fahs kac tari. El etuh inkacnek mweyen El pa inkacnek.”